

Siulersuisut ataatsimiinnerannit imaqarniliaq pingasunngorneq ulloq septemberip 13-iat 2017

Najuupput: Karsten Lyberth-Klausen, Henrik Sørensen, Hanne S. Jørgensen, Jens Korneliussen, Susanne Christensen, Simon Christiansen, Susanne B. Rasmussen, Peter Rømer, Henrik E. Nielsen, Christel Lund Bøjler aamma Malene Vahl Rasmussen

Peqataasinnaanani nalunaarsimavoq: Peter Magnussen

Siulersuisunut ilaasortat tamarmik ilisaritipput, isumaqatigiissutigineqarporlu siulersuisunut ilaasortat tamarmik piginnaasatik allattussagaat, siulersuisut nittartagaannut ikkunneqartussat.

Ilinniarfimmi Pisortap Christel Lund Bøjlerip ataatsimiinneq aquppa siulersuisut imm. 2-mi inissitsiternissaasa tungaannut.

1) Oqaluuserisassat akuersissutigineqarnerat

Oqaluuserisassat ilaneqarlutik akuerineqarput, tamalaani e-læring, init kiisalu "peqataaneq najuutinnginneq pinnagu" ilanngunneqarput.

2) Sulersuisut nutaat inissitsiternerat

Siulittaasussamik qinersineq

Karsten Lyberth-Klausen-ip siulittaasutut qinerneqarnini akueraa.

a. Siulittaasup tullianik qinersineq

Hanne Sparholt Jørgensen-ip siulittaasup tulliatut qinerneqarnini akueraa.

b. Ulluinnarni aqutsisussanik qinersineq

Henrik Sørensen-ip ulluinnarni aqutsisut siulittaasuattut qinerneqarnini akueraa (siulittaasoq siulittaasullu tullia ilagalugit).

Siulittaasutut tulliatullu inissisimaneq akisussaaffinnik sunik ilaqarnerseq naatsumik nassuiaatigineqarpoq. Ulluinnarni aqutsisuni ilaasortatut inissisimaneq nassuiaatigineqarpoq, tassunga ilanngullugit qinnuteqaatit aammalu ilinniakkanik akuersisarnerit, pingaartinneqarluni ulluinnarni aqutsisut siunissami atornerarnerunissaat, aammalumi suliassani annertunerusuni imaluunniit Pisortaqarfimmut attaveqarnermi.

3) Ataatsimiinnermi kingullermi pisut malinnaaffigineri

KLK-p ataatsimiinnermi kingullermi imaqarniliaq naatsumik nassuiaateqarfigaa, inuutissarsiutinullu ilinniarfinni aningaasaleeriaaseq aammalu taxameteri atorlugu ingerlariaaseq siulersuisuni

ilaasortanut nutaanut nassuiaateqarfigalugit, imaqarniliami annertuumik aningaasaqarneq sammineqarsimammat.

4) Oqaluuserisassat aalajangiiffisassat:

- a. Malittarisassat misissuataarneri allannguutissatullu siunnersuutit misissuataarneri, suleriaatsip oqaluuserinera aamma ukiumut 2017/18-imut pilersaarussiaq**

Malittarisassanut allannguutissamik siunnersuut akuersissutigineqarpoq.

Suleriusissamut siunnersuut naqqiissuteqartillugu akuersissutigineqarpoq.

Ukiumut 2017/18-imut siulersuisut sulinerannut pilersaarut aammalu oqaluuserisassat assiqiaartuunissaat akuersissutigineqarput.

- b. CAK-mut NI Nuummullu missingersuutit killiffiinik 2017-ip qaammataanut pingasunut siullernut misissuineq akuerineqarnerilu.**

Pisorta qarfik CAK-mi aningaasaqarneq pillugu ataatsimeeqatigineqarsimasoq KLK-p naatsumik oqaluttuaraa, pisorlu pitsaasutut oqaatigineqarsinnaannginnerarlugu. Pisorta qarfiup CAK-p aningaasaqarnermut naatsorsuusiai saqqummiunneqartut nalorninartoqartippai, siulersuisut ilinniarfimmilu pisortaasoq qinnuigalugit naatsorsuinerit erseqqinnerusut naatsorsuutillu 2017-imut tunngasut immikkoortuisa ilaat suliareqqullugit.

HEN-ip CAK-p aningaasaqarneranut nassuiaatit 2017-ip ukiuata affaanut siullermut tunngasut nassuiaateqarfigai (tak. ilanngussaq)

Pisorta qarfimmu sorpiaat suliarineqarlutillu tunniunneqassanersut HS-ip apeqqutigaa?

KLK-p siunnersuutigaa pisorta qarfimmu amigartooruteqartoqarnissaa nalunaarutigineqassasoq, naak ilinniarfimmi pisortaasup missingersuusiana annikinnerusumik sinneqartooruteqartoqarnissaa takuneqarsinnaagaluartoq. (tak. ilanngussaq)

HS-ip apeqqutigaa tapiliussanik aningaasaleeqqittoqarnissaa aammalu aningaasaliisoqaqqinngippat kingunissai suunersut naatsorsuutigineqarsimanersut.

KLK-p tamanna uppersarpaa.

HS-ip apeqqutigaa siulersuisut amigartooruteqarnissaa pinngitsoortiniarlugu iluaqutaasinnaasumik qanoq iliorsimanerlutik qinnuteqaammi nalunaarutigissaneraat.

KLK akivoq, kingunerisassai tulleriarlugit allattortariaqartut, Pisorta qarfimmullu erseqqissarneqarlutik, assersuutigalugu siunissami atuaqatigiit ikinnerusut ilinniarnissaminnut akuerineqartalernissaannik tamanna kinguneqarsinnaasoq.

CAK-mut missingersuutit killiffiannik misissuineq tusaatissatut tiquneqarpoq.

Aalajangiunneqarpoq ukiormanna amigartooruteqarnissap ilimaqineqarnera pilluqu Pisorta qarfimmu allakkiortoqassasoq.

CLB-ip NI Nuup 2017-ip ukiuata affaanut siullermut aningaasatigit inissisimaneranut nalunaarussiaq saqqummiuppaa (tak. ilanngussaq)

NI Nuummullu missingersuutit killiffiannik misissuineq immikkut oqaaseqarfiginaqu akuersissutigineqarpoq.

Aningaasaqarnermut nalunaarutit ilusilersorneri, aamma nalunaarutit ilusai qanoq pilersimanersut oqaluuserineqarput, aammalu kontot sunik siunertaqarnerisut malillugit aningaasartuutit inississuisarnerit ilanngullugit.

Aalajangiunneqarpoq, ilinniarfinni pisortat ataatsimiinnissamut tullermut ilinniarfiit aningaasaqarnerinut nalunaarutiminni kontot siunertaat naatsumik nassuaateqarfiqissagaat, aammalu siunissami aningaasaqarnermut nalunaarutit pingaarnertigut imminnut assersuunneqarsinnaalissasut.

Kontot siunertaat pillugit oqallinnerup nanginnerani ilinniakkap aalajangersimasup qanoq akeqarnerata naatsorsorneqartarnera ajornakusoortussaasoq oqallisigineqarpoq. CLB-ip ilisimatitsissutigaa data-t procentinngorlugit naleqqussaarlugillu suliarinngikkaanni maannakkut imminnut assersuunneqarsinnaanngitsut, kisianni oqaatigalugu immikkortiterlugit qanoq isikkoqarnerisut takuneqarsinnaasunngorlugit missingersuusiortoqarsinnaasoq.

Aalajangiunneqarpoq, CLB-ip tulliani siulersuisut ataatsimiinnissaannut missingersuut suliarissaqaa, NI Nuummi ilinniaqaa aalajangersimasooq qanoq akeqarneranik takutitsisoq, akissarsiat akileriikkat aammalu ilinniarnermut atatillugu aningaasartuutit allat ilanngullugit.

c. CAK-mut missingersuutit aqqissuussat akuersissutigineqarneri.

Tak. imm. 4.

d. Ukiumut atuarfimmu 2017/18-imut atuaqatigiiaat pilersaarutaasut pisussatullu pilersaarutit akersissutigineqarneri

HEN-ip ukiumi atuarfiusumi 2017/18-imi ilinniarfimmi pisussatut pilersaarutit saqqummiuppai (tak. ilanngussa)

CAK-mi pisussatut saqqummiussat tusaatissatut tiguneqarput.

CLB-ip ukiumi atuarfiusumi 2017/18-imi pisussatut ilimagisat saqqummiuppai. (tak. ilanngussa)

NI Nuummi pisussatut pilersaarutit akuerineqarput.

Atuaqatigiiaat ilinniarfinnilu pisussat eqqartorneqarnerini oqaluuserineqarpoq atuannngitsoortarnerit aammalu atuarunnaartarnerit akiorniarlugit suut suliniutigineqarnerisut, aammalu ilinniartut tapersorsorniarlugit suut iliuuserineqassanersut.

Aalajangiunneqarpoq ilinniarfinni pisortat ataatsimiinnissami tullermi anguniakkat iliuusissatillu, kiisalu atuarunnaartarnerit, ilinniakkamik naammassinninnerit, oqaatsitigut ajornartorsiutit il.il. qanoq suliuunneqarfiginerlugit allakkarissagaat.

- e. **Nuummi atorfinitsitsisoqassatillugu sulisunut inissiat pillugit ilisimatitsineq, aammalu Pisortaqarfimmut akissuteqarluni allakkiassap akuersissutigineqarnera.**

Pisortaqarfiup aalajangersimanera siulersuisut oqaluuseraat, kisianni atorfinitsitsiniartarnerup tamanna allannguutiginnilaa, akerlianilli kinguneqarpoq (tak. ilanngussaq). Siulersuisut isumaqarput iliniartitsissutissamut piginnaasaqarnek qulakkeerneqartariaqarmat ilinniarfinni pisortassatut atorfinittussat inissaqartinneqartariaqartut.

Innersuussut akuerineqarpoq, aalajangiunneqarporlu siulersuisut qanoq isumaqarnerannik ersersitsisumik Pisortaqarfimmut allakkiortoqassasoq.

- f. **Inuutissarsiutinut ilinniarfinni ilinniarnertuunngorniartut atuagaasa atorneqartarnissaat pillugu ataatsimiinneq ilisimatitsissutigineqarpoq, aammalu ilinniarnertuunngorniarluni atuakkanik TNI-mi atuisarneq misiliutitut atorneqalerluni (EUX) aamma TNI 18.**

Misiliummut tunuliaqutaasooq naatsumik nassuiarneqarpoq (tak. ilanngussaq) EØ aamma ilinniarnertuunngorniarluni ilinniakkanik atuinissaq akuerineqarpoq, iliniartitsinermut pilersaarutiniq peqareermat. Tuniniaanermut sullissinermullu tunngasut amigaatigineqarput, taakkulu piaarnerpaamik naammassiniarneqarput, taamaalilluni iliniartitsinermi pilersaarutit eqqortut iliniartitsinermi malinneqarsinnaanngorlugit.

Siulersuisut ilisimatitsissut tusaatissatut tiguuat.

- g. **Issittumi ilisimasortatut (Arktisk guide-tut) ilinniagaqarnerup allannguutissaanik siunnersuutip akuersissutigineqarnera**

Iliniartunngorniarnermi piumasaqaatinut ilanngussaq (tak. ilanngussaq / inassut) .

HEN-ip ilisimatitsissutigaa biilernermut allagartaqarnissamik piumasaqaat pilerigineqanngitsoq. Taamaattumik qinerneqarsinnaasunngorlugu neqeroorutigineqartalissaaq.

Ilinniakkap allannguuteqarnissaanut siunnersuut akuersissutigineqarpoq.

HS-ip siunnersuutigaa oqaatsinut tunngasunik piginnaasat maajimi ataatsimiinnissami oqaluuserineqassasut ilinniakkat nutarsarneqarneri immikkoortutut oqaluuserineqalerpata.

HSJ-ip ilassutigaa oqaatsinik piginnaasat qaffatsinnissaannik periarfissaq pillugu oqallinneq siunissaq eqqarsaatigalugu anguniakkanut tunngasuummat oqallisigineqarsinnaasooq.

Soorlu ilinniagasserilluni café – oqaatsinik ilinniarfitalik, saqqummiinissamut oqalunermullu sungiusarfitalik.

(tak. aalajangerneq imm. 4.d)

5) Ilisimatitsissutit:

- a. **Siulittaasup akuerisaanik Ilinniagaq TNI Flex**

(tak. ilanngussaq inassutitalik)

Ilisimatitsissut tusaatissatut tiguneqarpoq.

b. Nakorsat allattaatut ilinniarnermik aaqqissuussap sumut killinneranik nalunaarut (oqaasiinnartigut ilisimatitsissut)

Odder Fagskole ataatsimeeqatigineqarsimavoq, kisianni ministeriaqarfimmiit nutarsiasaqqanngilaq. AU-tut qaffasissusilimmik ilinniagangorlugu allangortinnissaata saniatigut suna kissaatigineqarnerseq nalunarpoq. Odder Fagskolep NI Nuuk taanna pillugu ataavartumik ilisimatittarniarpa.

Ilisimatitsissut tusaatissatut tiguneqarpoq.

c. KNII/Kalaallit Nunaanni Inuutissarsiutinut ilinniarfiit (siusinnerusukkut siunnersuisoqatigiit) aamma OK15-ip killiffianik ilisimatitsineq (oqaasiinnartigut ilisimatitsineq)

I. OK15-ip ingerlanera/piffissap suliffiup isumaqatigiissutigineqarnerata atuutsinneqalernera.

Piffissaq suliffiusoq pillugu isumaqatigiissut suli atsiorneqqanngilaq, taamaattumik inuutissarsionermut ilinniarfiit taassumunnga tunngasumik uninngagallarput.

ASA-p ilimagaa isumaqatigiissut oktoberip aallaqqaataani atuutilereersimassasoq. KNII-p tamanna qularaa, oqaasiinnartigullu nalunaarutigalugu ingerlaannassappat atuutsinneqalernera upernaamut angumersinnaassanngitsoq, augustip aallaqqaataanilu 2018 aatsaat atuutsinneqalersinnaassalluni.

II. Lectiop inuutissarsionermut ilinniarfinni tamani atuutsinneqalernissaa.

Paasiniaaneq sivisooq pereersoq aalajangerneqarpoq, inuutissarsionermik ilinniarfiit Lectio allaffissornerminni atulissagaat. Taanna ima isumaqarpoq, siunnessami paasissutissat atuarfinit tamaneersut Pisortaqqarfimmiit taanna aqqutigalugu takuneqarsinnaanngussallutik. Junip naanerani Lectio pillugu ataatsimeersuortoqqarpoq ilinniarfiillu suli taassumunnga atuinngitsut januarip aallaqqaataani 2018 atuisussanngorlutik.

Ilisimatitsissut tusaatissatut tiguneqarpoq.

d. Namminersorlutik Oqartussani suliffeqqarfinnilu taassuma ataaniittuni aningaasanik aqutsinermi periuseq nutaaq atuutsinneqalerpoq (tak. ilanngussaqq inassutitalik)

Ilisimatitsissut tusaatissatut tiguneqarpoq.

e. Nuummi ilinniartut inissaqqarniarnerata killiffia (oqaasiinnartigut ilisimatitsissut)

CLB-ip Nuummi pissutsit ilisimatitsissutigai. Augustip aallaqqaataani Nuummi kollegiani inissat 70-it amigaataapput, taakkunanga ilinniartut NI Nuummeersut 38-iullutik. Iluatsitsinikkut taakku ilai inissarsipput, piffissami killilikkami namminneq inissaminnik

nassaarsimallutik. Septemberip 15-ianni ilinniartut 9-t ilinnialernissaannik itigartinneqarput, kollegiami sulii inissaqartinneqannginnertik peqqutigalugu, nalilerneqarmat taakku ilinnigassamikku ima kinguaattoortigisimassasut allaat kinguaattoorutiminnut anngussinnaassanatik. Pisortaarfik NI Nuummiit kollegianik amigaateqarnermut aaqiissutissaasinnaasunik oqaloqatiginiarneqarpoq, ilimagineqarmat ukiumi atuarfiusumi tulliuuttumi pissutsit taamaaginnarnissaat.

Ilisimatitsissut tusaatissatut tiguneqarpoq.

f. NI Nuup allamut nuunneqarsinnaanerani pilersaarutip killiffia (oqaasiinnakkut ilisimatitsissut)

Pisortaarfimmiit taanna pillugu nutaarsiasaqanngilaq, taamaattumik Campus Nuup siunissaa aamma sulii paasineqarani.

Ilisimatitsissut tusaatissatut tiguneqarpoq.

Ataatsimiinnermi tullermi ilinniarfimmi pisortap NI Nuup sanaartukkatigut sunik pisariaqartitsinera il.il. nassuiaateqarfiaqissavaa.

g. EU-miit, Aningaasaqarnermut Pisortaarfimmiit aningaasaqarnerup ilusianut aamma taxameteri malillugu ilinniarnerup iluani aningaasalersuinerup tunngasumik misissuineq (oqaasiinnartigut ilisimatitsineq)

Inuutissarsiornermi ilinniarfiit EU-mi siunnersortinit Aningaasaqarnermut Pisortaarfimmeersunit aningaasaqarnerup ilusianut tunngasumik aammalu ilinniarnerup iluani taxameteri malillugu ingerlatsinerup tunngasunik apersorneqarsimapput. Naatsorsuutigineqarpoq nalunaarusiaq oktoberip qeqqani saqqummissasoq, saqqummerniaripallu siulersuisunut nassiussuunneqassalluni.

Ilisimatitsissut tusaatissatut tiguneqarpoq.

h. Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu inatsisip killiffia (oqaasiinnartigut ilisimatitsissut)

Inatsit ataatsimiititaliami oqaluuserisassanngorlugu ingerlateqqinneqarsimavoq aappassaaneerlugulu oqaluuserineqassaluni novemberip 9-ani pingajussanneerineqassallunilu novemberip 16-iani. KLK-p aamma CLB-ip KNII sinnerlugu aappassaaneerineqannginnerani inuutissarsiornermut ataatsimiititaq naapinniarpaat inuutissarsiornermullu ilinniarfiit inatsimmut tunngasumik qanoq isumaqarnerusut erseqqissaataasumik apuussiffialugit.

Ilisimatitsissut tusaatissatut tiguneqarpoq.

6) Siulittaasumiit ilisimatitsissut

KLK siulittaasutut Pisortaarfiiup ataatsimiinnerinut qaaqquneqartarpoq. Pisortaarfiiup ilinniarfiit sunik anguniagaqarnerusut aammalu suliniutitik suut aqqutigalugit qanorlu anguniarneraat paaserusuppai, aammalu ilinniarfiit akornanni sooq assigiingissuteqartoqarnerusooq paaserusullugu.

Siulittaasup kisimi ataatsimeeqatigineqartarnissaa Pisorta qarfiup kissaatigaa, ilinniartitsinerup pisortat peqataatinnagit. Siulersuisut ingerlaavartumik suliaq taanna pillugu siulittaasup ilisimatittassava.

Ulluinnarni aqutsisunik amigaateqartarneq peqquataalluni piffissami kingullermi ilinniakkanik akuersisarnertit taamaallaat siulittaasumit naliliiffigineqartarsimapput siunissamili ulluinnarni aqutsisut tamarmiullutik naliliinerit ingerlatalissavaat.

KLK-p Digitalisering-imi Aqutsisoqarfik E-læringemut platformi aammalu modulit pillugit ataatsimeeqatigisimavaa, Pisorta qarfiup E-læring (qarasaasiatigut) ilinniartitsinerup ataatsimoorfissaanik pilersitsiniarluni inerisaaleruttorneya peqquutigalugu. KLK-p siunnersuutigaa, NI Nuuk immaqa misiligutaasumik suliniuteqarnermut peqataasinnaasoq. (Ilinniarfimmi pisortaasoq Aqutsisoqarfimmut attaveqarsimavoq)

7) Ilinniarfiit Pisortaanniit ilisimatitsissutit

a. CAK

HEN-ip aqutsisut nalunaarutaat maj-imiit septemberip arfineq-pingajuata tungaanoortoq nassuiaateqarfigaa. (tak. ilanngussaq)

b. NI Nuuk

CLB-ip aqutsisut nalunaarutaat piffissamut 2017-imi junip 2-aniit septemberip 13-anut atuuttoq nassuiaateqarfigaa (tak. ilanngussaq)

8) Suleqatiniit ilisimatitsissutit

a. CAK

PR illup nutaap atulersimanera pillugu ilisimatitsivoq. Ilinniarfimmi sipaarniutaasut pisariaqartuuneri pillugit paasinnilluartoqarsimavoq.

b. NI Nuuk

SBR-ip ilisimatitsissutigaa sulisut akornanni siulersuisunut qinersisoqarsimanera. Piffissaq suliffiusoq pillugu isumaqatigiissutissaq annertulaarsimavoq, kisianni ilisimaneqalernissaa ilisimatitsissutiginnissaalu amigaataalluni, taamaattumik Pisorta qarfiimmiit atsiorneqarnissaa utaqqimaarneqarluni.

c. Ilinniartuniit ilisimatitsissutit

CAK

(Ilinniartut siunnersuisoqatigiivisa aallartitassaat suli toqqarneqarsimangilaq)

d. NI Nuuk

Ilinniarnertuunngorniat siunnersuisoqatigiivisa Nuummi ilinniartut ilinniarnertuullu siunnersuisoqatigiivini allanik suleqateqarnissaq attaveqatigiinnerulernissarlu kissaatigaa. Taakku saniatigut, ilinniakkat akimorlugit ilinniartut imminnut ilisareqatigiinnerulernissaat, suliniutigineqarpoq.

”Instagram – take over” suliarineqassaaq ilinniartut attaveqatigiinnermut sulisua peqatigalugu, inuunnaat attaveqatigiittarfiinik atuineq aqqutigalugu inuusuttut allat ilinniakkanut tunngasunik, ilinniarnermilu avatangiisaasunik ilisimatinneqartarnissaat ukkatarineqarnerulerluni – aammalu taamaalluni NI Nuuk ilinniartut ersarinnerulerluni.

9) Siulersuisut ataatsimiinnissaata tulluip ullulernera

Ataatsimiinneq tulleeq pissaaq NI Nuummi novemberip 28-anni - 29-annilu.

10) Siulersuisut aalajangigaat ingerlateqqinneqartussat

Issittumi ilisimasortatut ilinniagaq Pisortaqarfimmut akuerineqartussanngorlugu ingerlateqqinneqassaaq.

CAK-p aningaasatigut ingerlaneranut tunngasumik allakkiaq suliarineqassaaq Pisortaqarfimmullu nassiullugu.

Ilinniarfinni pisortanngortussanut inissaqartitsinissaq pillugu allakkiaq Pisortaqarfimmut nassiunneqassaaq.

Siulersuisut inissitsiternerannut tunngasoq allakkiaq aammalu malittarisassat akuerineqarnerat Pisortaqarfimmut nassiunneqassapput.

11) Tamalaat.

Anguniagassat suleriesissarlu pillugit suliassaq ataatsimiinnermi tullermi oqaluuserineqalerpat HSI siunnersuuteqarpoq perorsaanertalimmik aqutsineq sammineqassasoq, ilinniartitsineq pitsaasoq suunersoq, aammalu ilinniartitsisunik suleqateqarneq qanoq ingerlanneqassanersoq – suliassat pingaarnertut qitiutillugit ilinniartunik peqataasitsineq. Taanna tulliani ataatsimiinnissamut oqaluuserisassanut ilanngunneqassaaq.

Siusinnerusukkut siulersuisut ukiumoortumik pereersunik naliliisarsimanerat KLK-ip nalunaarutigaa, siulersuisullu taanna ingerlatiinnartariaqarpaat.

SC isumaqarpoq Pisortaqarfimmik suleqateqarluanginneq aammalu paatsooqatigiittarnerit pisarnerat uggornartuusoq.

HJS isumaqataavoq, anguniagaq ataasiummat isumaqarluni suleqatigiilluartoqariaqartoq.

Pisortaqarfik tulliani ataatsimiinnissamut qaaqquneqassasoq siunnersuutigineqarpoq, suleqatigiinneq nutarsaallunilu suliagarneq oqaluuserineqarsinnaallutik.

Nutarterineq oqaluuserineqarmat, ataatsimiititap suliaga akuerisaq siulersuisunut nassiunneqassasoq isumaqatigiissutigineqarpoq.

12) Imaqarniliap atuarneqarnera akuerineqarneralu

Imaqarniliap allaganngorlugu akuerisassatut tusarniaassutigineqartalernissaa siulersuisunit kissaatigineqarpoq.

Taamaattumik imaqarniliap allaganngorlugu ullunik arfineq-pingasunik piffissalerlugu tusarniaassutigineqartalernissaa akuerineqarpoq. Ullut piffissaliussat qaangiunnerini siulersuisunut ilaasortanit ataasiakkaanit tusagaqartoqanngippat imaqarniliap akuerineqartutut naatsorsuutigineqartassaaq.

Aalajangigaq taanna malillugu suleriaaseq naqqinneqassaaq, imaqarniliamullu uunga ilagitillugu akerisassatut nassiunneqassalluni.

Imaqarniliaq allakkatigut tusarniaasoqareerneratigut akuerineqarpoq ulloq:

Karsten Lyberth-Klausen
Siulersuisuni siulittaasoq

Hanne Sparholt Jørgensen
Siulittaasup tullia

Henrik Sørensen
Siulersuisunut ilaasortaq

Susanne Christensen
Siulersuisunut ilaasortaq

Simon Christiansen
Siulersuisunut ilaasortaq

Jens Korneliussen
Siulersuisunut ilaasortaq

Peter Magnussen
Siulersuisunut ilaasortaq

Malene Vahl Rasmussen
Ilinniartut siunnersuisoqatigiivisa
sinniisaat

Susanne B. Rasmussen
Sulisut sinnerlugit ilaasortaq

Peter Rømer
Sulisut sinnerlugit ilaasortaq

Christel Lund Bøjler
Ilinniarfiup Pisortaa, NiNuuk

Henrik Ebbe Nielsen
Ilinniarfiup Pisortaa, CAK